



## In Festis B. Mariæ Virginis

PER ANNUM.

IN I. VESPERIS.

**Añã.** Dum esset Rex \* in accubitu suo, nardus mea dedit odorem suavitatis.

**Psalmus cix.**

**D**ixit Dominus Domino meo : \*  
Sede a dextris meis :

Donec ponam inimicos tuos, \* scabellum pedum tuorum.

Virgam virtutis tuæ emittet Dominus ex Sion : \* dominare in medio inimicorum tuorum.

Tecum principium in die virtutis tuæ in splendoribus sanctorum : \* ex utero ante luciferum genui te.

Juravit Dominus, et non poenitebit eum : \* Tu es sacerdos in æternum secundum ordinem Melchisedech.

Dominus a dextris tuis, \* confrégit in die iræ suæ reges.

Judicabit in nationibus, implebit ruinas : \* conquassabit capita in terra multorum.

De torrente in via bibet : \* propterea exaltabit caput.

**Añã.** Dum esset Rex in accubitu suo, nardus mea dedit odorem suavitatis.

**Añã.** Læva ejus \* sub capite meo, et dextera illius amplexabitur me.

**Psalmus cxij.**

**L**audate pueri Domini : \* laudate nomen Domini.

Sit nomen Domini benedictum, \* ex hoc nunc, et usque in sæculum.

A solis ortu usque ad occasum, \* laudabile nomen Domini.

IN FESTIS B. MARIE V. PER ANNUM.

[209]

Excelsus super omnes Gentes Dominus, \* et super caelos gloria ejus.

Quis sicut Dominus Deus noster, qui in altis habitat, \* et humilia respicit in caelo et in terra?

Suscitans a terra inopem, \* et de stercore erigens pauperem :

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum lætantem.

**Añã.** Læva ejus sub capite meo, et dextera illius amplexabitur me.

**Añã.** Nigra sum, \* sed formosa, filia Jerusalem : ideo dilexit me Rex, et introduxit me in cubiculum suum.

**Psalmus cxvj.**

**L**ætatus sum in his, quæ dicta sunt mihi : \* In domum Domini ibimus.

Stantes erant pedes nostri, \* in atriiis tuis Jerusalem.

Jerusalem, quæ ædificatur ut civitas : \* cujus participatio ejus in idipsum.

Illuc enim ascenderunt tribus, tribus Domini : \* testimonium Israel ad

confitendum nomini Domini.

Quia illic sederunt sedes in judicio, \* sedes super domum David.

Rogate quæ ad pacem sunt Jerusalem : \* et abundantia diligentibus te :

Fiat pax in virtute tua : \* et abundantia in turribus tuis.

Propter fratres meos, et proximos meos, \* loquebar pacem de te :

Propter domum Domini Dei nostri, \* quæsiui bona tibi.

**Añã.** Nigra sum, sed formosa, filia Jerusalem : ideo dilexit me Rex, et introduxit me in cubiculum suum.

**Añã.** Jam hiems transit, \* imber abiit, et recessit : surge amica mea, et veni.

**Psalmus cxvij.**

**N**isi Dominus ædificaverit domum, \* in vanum laboraverunt qui ædificant eam.

Nisi Dominus custodierit civitatem, \* frustra vigilat qui custodit eam.

Vanum est vobis ante lucem surgere : \* surgite postquam sederitis, qui manducatis panem doloris.



Cum dederit dilectis suis somnum : \* ecce hereditas Domini filii : merces, fructus ventris.

Sicut sagittae in manu potentis : \* ita filii excursorum.

Beatus vir qui implevit desiderium suum ex ipsis : \* non confundetur cum loquetur inimicis suis in porta.

**Añã.** Jam hiems transit, imber abiit, et recessit : surge amica mea, et veni.

**Añã.** Speciosa facta es \* et suavis in deliciis tuis, sancta Dei Genitrix.

**Psalmus cxxvij.**

**L**auda Jerusalem Dominum : \* lauda Deum tuum Sion.

Quoniam confortavit seras portarum tuarum : \* benedixit filiis tuis in te.

Qui posuit fines tuos pacem : \* et adipe frumenti satiavit te.

Qui emittit eloquium suum terrae : \* velociter currit sermo ejus.

Qui dat nivem sicut lanam : \* nebulam sicut cinerem spargit,

Mittit crystallum suam sicut buccellas : \* ante faciem frigoris ejus quis sustinebit?

Emittet verbum suum, et

liquefaciet ea : \* flabit spiritus ejus, et fluent aquae.

Qui annuntiat verbum suum Jacob : \* justitias, et judicia sua Israel.

Non fecit taliter omninationi : \* et judicia sua non manifestavit eis.

**Añã.** Speciosa facta es et suavis in deliciis tuis, sancta Dei Genitrix.

**Capitulum. Eccli. xxiv. b**

**A**B initio, et ante saecula creata sum, et usque ad futurum saeculum non desinam, et in habitatione sancta coram ipso ministravi.

**Hymnus.**

**A**ve maris stella, Dei Mater alma, Atque semper Virgo, Felix caeli porta.

Sumens illud Ave Gabriëlis ore, Funda nos in pace, Mutans Hevae nomen.

Solve vincla reis, Profer lumen caecis, Mala nostra pelle, Bona cuncta posce.

Monstra te esse matrem, Sumat per te preces, Qui pro nobis natus, Tulit esse tuus.

Virgo singularis, Inter omnes mitis, Nos culpulis solutos, Mites fac et castos.

Vitam praesta puram,

Iter para tutum, Ut videntes Jesum, Semper collaetemur.

Sit laus Deo Patri, Summo Christo decus, Spiritui sancto, Tribus honor unus. Amen.

**V.** Dignare me laudare te, Virgo sacrata. **R.** Da mihi virtutem contra hostes tuos.

**Ad Magnif. Añã.** Sancta Maria \* succurre miseris, juva pusillanimes, refove flebiles, ora pro populo, interveni pro clero, intercede pro devoto femineo sexu : sentiant omnes tuum juvamen, quicumque celebrant tuam sanctam festivitatem.

**Oratio.**

**C**oncede nos famulos tuos, quaesumus Domine Deus, perpetua mentis et corporis sanitate gaudere : et gloriosa beatae Mariae semper Virginis intercessione, a praesenti liberari tristitia, et aeterna perfrui laetitia. Per Dominum.

**Ad Completor. et Horas in fine Hymnor. dicitur.**

Jesu, tibi sit gloria, Qui natus es de Virgine, Cum Patre, et almo Spiritu, In sempiterna saecula. Am.

**AD MATUTINUM.**

**Invit.** Sancta Maria Dei Genitrix Virgo, \* Intercede pro nobis. **Ps.** Venite. 2.

**Hymnus.**

**Q**uem terra, pontus, sidera Colunt, adorant, praedicant Trinam regentem machinam,

Clastrum Mariae bajulat. Cui luna, sol, et omnia Deserviunt per tempora, Perfusa caeli gratia, Gestant puellae viscera.

Beata Mater munere, Cujus supernus Artifex, Mundum pugillo continens,

Ventris sub arca clausus est.

Beata caeli nuntio, Fecunda sancto Spiritu, Desideratus gentibus Cujus per alvum fusus est. Jesu, tibi sit gloria, Qui natus es de Virgine, Cum Patre, et almo Spiritu, In sempiterna saecula.

Amen.

**In I. Nocturno.**

**Añã.** Benedicta tu \* in mulieribus, et benedictus fructus ventris tui.

**Psalmus vij.**

**O**mine Dominus noster, \* quam admirabile est nomen tuum in universa terra!



Quóniam eleváta est magnificéntia tua, \* super cœlos.

Ex ore infántium et lacténtium perfecísti laudem propter inimícos tuos, \* ut déstruas inimicum et ultórem.

Quóniam vidébo cœlos tuos, ópera digitorum tuorum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : \* et constituísti eum super ópera mánuum tuárum.

Omnia subjecísti sub pedibus ejus, \* oves et boves univérsas : insuper et pécora campi.

Vólucres cœli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

**Añã.** Benedícta tu in muliéribus, et benedíctus fructus ventris tui.

**Añã.** Sicut myrrha \* élécta odórem dedísti suavítatis sancta Dei Génitrix.

**Psalmus xvij.**

**C**œli enarrant glóriam Dei, \* et ópera mánuum ejus annúnciat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cœlo egressio ejus :

Et occúrsus ejus usque ad summum ejus : \* nec est qui se abscondat a calóre ejus.

Lex Dómini immaculáta convértens ánimas : \* testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda : \* præcéptum Dómini lícidum, illúminans óculos.

Timor Dómini sanctus, pórmanens in sæculum sæculi : \* judícia Dómini vera, justificáta in semetíp̄sa.

Desiderabilia super aurum et lápidem pretiósium multum : \* et dulcióra super mel et favum.

Etenim servus tuus custódit ea, \* in custodiéndis illis retribúto multa.

Delícta quis intélligit? ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delícto máximo.

Et erunt ut compláceant elóquia oris mei : \* et meditátio cordis mei in conspéctu tuo semper.

Dómine adjútor meus, \* et redémptor meus.

**Añã.** Sicut myrrha élécta odórem dedísti suavítatis sancta Dei Génitrix.

**Añã.** Ante torum \* hujus Vírginis frequentáte nobis dulcía cántica drámatis.

**Psalmus xvij.**

**D**omini est terra, et plenitúdo ejus : \* orbis terrárum, et univérsi qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus, et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generátio quæréntium faciém Dei Jacob.

Attóllite portas príncipes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

**Añã.** Ante torum hujus Vírginis frequentáte nobis dulcía cántica drámatis.

**V.** Spécie tua et pulchritúde tua. **R.** Inténde, prospere procéde, et regna.

**Pater noster. Absolutio.** Exáudi. **V.** Jube domne. **Benedictio.** Benedictióne perpétua.



De Parabolis Salomónis.  
**Lectio j. Cap. viij. b et ix.**

**S**GO sapiéntia hábito in consilio, et eruditus intérsu cogitátionibus. Timor Dómini odit malum : arrogantiam, et supérbiam, et viam pravam, et os bilíngue detéstor. Meum est consilium, et æquitas, mea est prudéntia, mea est fortitúdo. Per me reges regnant, et legum conditores justa decérnunt : Per me principes imperant, et poténtes decérnunt justítiam. Ego diligéntes me díligo : et qui mane vigílant ad me, invénient me.

**R.** Sancta et immaculáta virgíntas, quibus te láudibus ésseram néscio :  
\* Quia quem cœli cápere non póterant, tuo grémio contulisti. **V.** Benedicta tu in muliéribus, et benedíctus fructus ventris tui.—  
Quia.

**Bened.** Unigénitus Dei.

**Lectio ij.**

**M**ecum sunt divítiae, et glória, opes supérbae, et justítia. Mélior est enim fructus meus auro, et lápide pretiósio, et gemína mea argénto elécto. In viis justítiae ámbulo, in médio semítarum

judicii, ut ditem diligéntes me, et thesáuros eórum répleam. Dóminus posédit me in initio viárum suárum, ántequam quidquam fáceret a princípio. Ab ætérno ordináta sum, et ex antíquis ántequam terra fieret. Nondum erant abyssi, et ego jam concépta eram : necdum fontes aquárum erúperant : necdum montes gravi mole constítérant : ante colles ego parturiébar.

**R.** Congratulámini mihi omnes, qui díligitis Dóminum, quia cum essem párvula, plácuí Altíssimo :  
\* Et de meis viscéribus genui Deum et hóminem.  
**V.** Beátam me dicent omnes generatiónes, quia ancíllam húmílem respéxit Deus. — Et de meis.

**Bened.** Spíritus sancti grátia.

**Lectio iij.**

**B**éatus homo qui audit me, et qui vigílat ad fores meas quotidie, et observat ad postes óstii mei. Qui me invénerit, invéniet vitam, et háuriet salútem a Dómino : qui autem in me peccáverit, lædet ánimam suam. Omnes, qui me odérunt, díligunt mortem. Sapiéntia ædificávit

sibi domum, excídit colúmnas septem. Immolávit víctimas suas, miscuit vinum, et propósuit mensam suam. Misit ancíllas suas ut vocárent ad arcem, et ad mœnia civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bíbite vinum quod miscui vobis.

**R.** Beáta es Virgo María, quæ Dóminum portásti Creatórem mundi :  
\* Genuísti qui te fecit, et in ætérnum pérmanes Virgo. **V.** Ave María, grátia plena, Dóminus tecum. —  
Genuísti. **Glória.** Genuísti.

In II. Nocturno.

**Aña.** Spécie tua \* et pulchritúdine tua, inténde, prospere procéde, et regna.

**Psalmus rlv.**

**S**ructávit cor meum verbum bonum : \*  
dico ego ópera mea Regi.

Lingua mea cálamus scribæ, \* velóciter scribéntis.

Speciósus forma præ filiis hóminum, diffúsa est grátia in lábiis tuis : \*  
propterea benedíxit te Deus in ætérnum.

Accíngere gládio tuo super femur tuum, \* potentíssime,

Spécie tua et pulchritúdine tua, \* inténde, prospere procéde, et regna,  
Propter veritátem, et mansuetúdinem, et justítiam : \* et deducet te mirabíliter dextera tua.

Sagittæ tuæ acútæ, pópuli sub te cadent, \* in corda inimicórum Regis.

Sedes tua Deus in sæculum sæculi : \* virga directiόνis virga regni tui.

Dilexísti justítiam, et odísti iniquitátem : \*  
propterea unxit te Deus Deus tuus óleo lætitiæ præ consortibus tuis.

Myrrha, et gutta, et cásia a vestiméntis tuis, a dómibus ebúrneis : \*  
ex quibus delectavérunt te filiæ regum in honóre tuo.

Astitit regína a dextris tuis in vestitu deauráto : \*  
circúndata varietáte.

Audi filia, et vide, et inclína aurem tuam : \*  
et oblivíscere pópulum tuum, et domum patris tui.

Et concupíscet Rex decórem tuum : \*  
quóniam ipse est Dóminus Deus tuus, et adorábunt eum.

Et filiæ Tyri in munéribus \*  
vultum tuum depre-



cabuntur : omnes divites plebis.

Omnis gloria ejus filie Regis ab intus, \* in fimbriis aureis circumamicta varietatibus.

Adducuntur Regi virgines post eam : \* proximæ ejus afferentur tibi.

Afferentur in lætitia et exultatione : \* adducuntur in templum Regis.

Pro patribus tuis nati sunt tibi filii : \* constitues eos principes super omnem terram.

Mémoires erunt nominis tui \* in omni generatione et generationem.

Propterea populi confitebuntur tibi in æternum : \* et in sæculum sæculi.

**Añã.** Spécie tua et pulchritudine tua, inténde, prospere procéde, et regna.

**Añã.** Adjuvabit eam \* Deus vultu suo : Deus in médio ejus, non commovebitur.

**Psalmus rlv.**

**D**eus noster refugium, et virtus : \* adjutor in tribulationibus, quæ invenérunt nos nimis.

Propterea non timébitur dum turbabitur terra : \* et transferentur montes in cor maris.

Sonuérunt, et turbatæ sunt aquæ eorum : \* conturbati sunt montes in fortitudine ejus.

Fluminis impetus lætificat civitatem Dei : \* sanctificavit tabernaculum suum Altissimus.

Deus in médio ejus, non commovebitur : \* adjuvabit eam Deus mane diluculo.

Conturbatæ sunt Gentes, et inclinata sunt regna : \* dedit vocem suam, mota est terra.

Dóminus virtutum nobiscum : \* susceptor noster Deus Jacob.

Venite, et videte ópera Dómini, quæ posuit prodigia super terram : \* auferens bella usque ad finem terræ.

Arcum conteret, et confringet arma : \* et scuta comburet igni.

Vacate, et videte quoniam ego sum Deus : \* exaltabor in Géntibus, et exaltabor in terra.

Dóminus virtutum nobiscum : \* susceptor noster Deus Jacob.

**Añã.** Adjuvabit eam Deus vultu suo : Deus in médio ejus, non commovebitur.

**Añã.** Sicut lætantium \*

ómnium nostrum habitatio est in te, sancta Dei Génitrix.

**Psalmus lxxvj.**

**F**undamenta ejus in montibus sanctis : \* diligit Dóminus portas Sion super ómnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Babylonis \* scientium me.

Ecce alienigenæ, et Tyrus, et populus Æthiopum, \* hi fuerunt illic.

Numquid Sion dicet : Homo, et homo natus est in ea : \* et ipse fundavit eam Altissimus?

Dóminus narrabit in scripturis populorum, et principum : \* horum, qui fuerunt in ea.

Sicut lætantium ómnium \* habitatio est in te.

**Añã.** Sicut lætantium ómnium nostrum habitatio est in te, sancta Dei Génitrix.

**V.** Adjuvabit eam Deus vultu suo. **R.** Deus in médio ejus, non commovebitur.

Pater noster. **Absolutio.** Ipsius pietas. **V.** Jube domine. **Benedictio.** Deus Pater omnipotens.

Sermo sancti Joánnis Chrysóstomi.

**Lectio iv. Apud Metaph.**

**E**I Filius non divitem, aut locupletem aliquam feminam sibi matrem eligit, sed beatam Virginem illam, cujus anima virtutibus ornata erat. Cum enim beata Maria supra omnem humanam naturam castitatem servaret, propterea Christum Dóminum in ventre concepit. Ad hanc igitur sanctissimam Virginem et Dei Matrem accurrentes, ejus patrocinii utilitatem assequamur. Itaque quæcumque estis virgines, ad Matrem Dómini confugite. Illa enim pulcherrimam, pretiosissimam, et incorruptibilem possessionem patrocinio suo vobis conservabit.

**R.** Sicut cedrus exaltata sum in Líbano, et sicut cypréssus in monte Sion : quasi myrrha electa,

\* Dedi suavitatem odoris. **V.** Et sicut cinnamómum et balsamum aromatizans. — Dedi.

**Bened.** Christus perpétuæ.

**Lectio v.**

**M**agnam revéra miraculum, fratres dilectissimi, fuit beata semper



Virgo Mariá. Quid namque illa majus aut illústrius ullo unquam tēpore invēntum est, seu aliquādo inveniri pōterit? Hæc sola cœlum ac terram amplitúdine superávit. Quidnam illa sánctius? Non Prophétæ, non Apóstoli, non Mártyres, non Patriárchæ, non Angeli, non Throni, non Dominatiónes, non Séraphim, non Chérubim, non dénique áliud quídpam inter creatas res visibiles aut invisibiles, majus aut excelléntius inveniri potest. Eadem ancílla Dei est et mater: éadem virgo et génitrix.

**R.** Quæ est ista quæ processit sicut sol, et formósa tamquam Jerúsalem? \* Vidérunt eam filiæ Sion, et beátam dixerunt, et reginæ laudavérunt eam. **V.** Et sicut dies verni circumdabant eam flores rosárum, et lília convállium. — Vidérunt.

**Bened.** Ignem sui amoris.

**LECTIO VI.**

**H**ÆC ejus mater est, qui a Patre ante omnē princípium génius fuit, quem Angeli et hómines agnóscunt Dóminum re-

rum ómnium. Visne cognóscere quanto Virgo hæc præstantior sit cœlestibus Poténtiis? Illæ cum timóre et tremóre assístunt, fáciem velántes suam: hæc humánum genus illi offert, quem génuvit. Per hanc et peccatórum véniam conséquimur. Ave igitur mater, cœlum, puélla, virgo, thronus, Ecclésiæ nostræ decus, glória et firmaméntum, assidue pro nobis precáre Jesum Filium tuum et Dóminum nostrum: ut per te misericórdiam invenire in die judicii, et quæ repósa sunt iis qui díligunt Deum, bona cónsequi possimus, grátia et benignitate Dómini nostri Jesu Christi: cum quo Patri simul et sancto Spirítui glória, et honor, et impérium, nunc et semper in sæcula sæculórum. Amen.

**R.** Ornátam monílibus filiam Jerúsalem Dóminus concupívit: \* Et vidéntes eam filiæ Sion, beatíssimam prædicavérunt, dicéntes: \* Unguémentum effúsum nomen tuum. **V.** Astitit regína a dextris tuis in vestítu deauráto, circúmdata varie-

tate. — Et. Glória Patri. Unguémentum.

**In III. Nocturno.**

**Añ.** Gaude Mariá Virgo, \* cunctas hæreses sola interemísti in univérso mundo.

**Psalmus cvj.**

**C**antáte Dómino canticum novum: \* cantáte Dómino omnis terra.

Cantáte Dómino, et benedicíte nómini ejus: \* annuntiáte de die in diem salutáre ejus.

Annuntiáte inter Gentes glóriam ejus, \* in ómnibus pópulis mirabília ejus. Quóniam magnus Dóminus, et laudábilis nimis: \* terribilis est super omnes deos.

Quóniam omnes dii Géntium dæmónia: \* Dóminus autem cœlos fecit.

Conféssio, et pulchritúdo in conspéctu ejus: \* sanctimónia et magnificéntia in sanctificatióne ejus.

Afférte Dómino pátria Géntium, afférte Dómino glóriam et honórem: \* afférte Dómino glóriam nómini ejus.

Tóllite hóstias, et introíte in átria ejus: \* adoráte Dóminum in átrio sancto ejus.

Commovéatur a fácie ejus univérso terra: \* dícite in Géntibus quia Dóminus regnávit.

Etenim corréxit orbem terræ qui non commovébitur: \* judicábit pópulos in æquitáte.

Laeténtur cœli, et exsúltet terra, commovéatur mare, et plenitúdo ejus: \* gaudebunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit: \* quóniam venit judicáre terram.

Judicábit orbem terræ in æquitáte, \* et pópulos in veritate sua.

**Añ.** Gaude Mariá Virgo, cunctas hæreses sola interemísti in univérso mundo.

**Añ.** Dignáre me \* laudáre te, Virgo sacráta: da mihi virtútem contra hostes tuos.

**Psalmus cvj.**

**D**ominus regnávit, exsúltet terra: \* læténtur insulæ multæ.

Nubes, et caligo in circúitu ejus: \* justitia, et iudicium corréctio sedis ejus. Ignis ante ipsum præcédet, \* et inflammábit in circúitu inimicos ejus.



Illuxerunt fulgura ejus  
orbi terræ : \* vidit, et com-  
mota est terra.

Montes, sicut cera fluxé-  
runt a facie Dómini : \* a  
facie Dómini omnis terra.

Annuntiaverunt cœli ju-  
stitiamejus : \* et viderunt  
omnes pópuli glóriam  
ejus.

Confundantur omnes, qui  
adorant sculptília : \* et qui  
gloriantur in simulácris  
suis.

Adorate eum omnes An-  
geli ejus : \* audivit, et læ-  
tata est Sion.

Et exsultaverunt filię Ju-  
dæ, \* propter judicia tua  
Dómine :

Quóniam tu Dóminus al-  
tissimus super omnem ter-  
ram : \* nimis exaltatus es  
super omnes deos.

Qui diligitis Dóminum,  
odite malum : \* custodit  
Dóminus ánimas sanctó-  
rum suorum, de manu pec-  
catóris liberabit eos.

Lux orta est justo, \* et  
rectis corde lætítia.

Lætámini justi in Dómi-  
no : \* et confitémini me-  
móriæ sanctificatiónis  
ejus.

**Aña.** Dignare me laudá-  
re te, Virgo sacrata : da  
mihi virtútem contra ho-  
stes tuos.

**Aña.** Post partum \* Vir-  
go inviolata permansisti,  
Dei Génitrix intercede pro  
nobis.

¶ **In Festo Annuntiat.**

**Aña.** Angelus Dómini \*  
nuntiavit Mariæ, et con-  
cepit de Spíritu sancto.

**Psalmus cxxvj.**

**C**antate Dómino cánti-  
cum novum : \* quia  
mirabilia fecit.

Salvavit sibi dextera  
ejus : \* et bráchium san-  
ctum ejus.

Notum fecit Dóminus sal-  
utare suum : \* in conspé-  
ctu Géntium revelavit ju-  
stítiam suam.

Recordatus est miseri-  
córdiæ suæ, \* et veritátis  
suæ dómui Israel.

Viderunt omnes términi  
terræ \* salutare Dei no-  
stri.

Jubiláte Deo omnis ter-  
ra : \* cantáte, et exsultá-  
te, et psállite.

Psállite Dómino in cítha-  
ra, in cíthara et voce  
psalmi : \* in tubis ductí-  
libus, et voce tubæ cór-  
neæ.

Jubiláte in conspéctu Re-  
gis Dómini : \* moveatur  
mare, et plenitúdo ejus :  
orbis terrarum, et qui há-  
bitant in eo.

Flúmina plaudent manu,

simul montes exsultábunt  
a conspéctu Dómini : \*  
quóniam venit judicare  
terram.

Judicabit orbem terrá-  
rum in justítia, \* et pópu-  
los in æquitáte.

**Aña.** Post partum Vir-  
go inviolata permansisti,  
Dei Génitrix intercede pro  
nobis.

¶ **In Festo Annuntiatio-  
nis, Aña.** Angelus Dómini  
nuntiavit Mariæ, et con-  
cepit de Spíritu sancto.

¶ **Elégit eam Deus, et  
præelégit eam. ℞.** In ta-  
bernáculo suo habitare fa-  
cit eam.

Pater noster. **Absolutio.**  
A vínculis. ¶ **Jube domne.  
Benedictio.** Evangélica  
léctio.

Léctio sancti Evangélii  
secúndum Lucam.

**Lectio vij. Cap. xj. d**

**I**n illo témpore : Lo-  
quente Jesu ad tur-  
bas, extóllens vocem quæ-  
dam múlier de turba, di-  
xit illi : Beátus venter,  
qui te portávit. Et réliqua.

**Homília venerábilis Bedæ  
Presbyteri.**

**Lib. 4. cap. xlix. in Luc. xj.**

**Agnae devotiónis et  
fidei hæc múlier  
osténditur, quæ  
Scribis et Pharisæis Dó-**

minum tentántibus, simul  
et blasphemántibus, tanta  
ejus incarnatióem præ  
ómnibus sinceritáte co-  
gnóscit, tanta fidúcia con-  
fitétur, ut et præsentium  
procerum calúmniam, et  
futurorum confúdat hæ-  
reticorum perfídiam. Nam  
sicut tunc Judæi, sancti  
Spíritus ópera blasphe-  
mándo, verum consub-  
stantialémque Patri Dei  
Fílium negábant : sic hæ-  
retici póstea negádo,  
Mariam semper Virgínem,  
sancti Spíritus operánte  
virtúte, nascituro cum hu-  
mánis membris Unigénito  
Dei, carnis suæ matériam  
ministrásse, verum con-  
substantialémque matri  
fílium hóminis fatéri non  
debere dixerunt.

℞. Felix namque es sa-  
cra Virgo María, et omni  
laude digníssima : \* Quia  
ex te ortus est sol justí-  
tiæ, Christus Deus noster.

¶ **Ora pro pópulo, inter-  
veni pro clero, intercede  
pro devóto femineo sexu :  
séntiant omnes tuum ju-  
vâmen, quicumque céle-  
brant tuam sanctam fes-  
tívitatem. — Quia.**

**Bened.** Cujus festum có-  
limus, ipsa Virgo virgi-  
num.



**Lectio viij.**

**S**ED si caro Verbi Dei secundum carnem nascēntis a carne Virgīnis matris pronuntiātur extrānea, sine causa venter qui eam portāset, ūbera quæ lactāssent, beatificāntur. Dicit autem Apóstolus : Quia misit Deus Fīlium suum factum ex muliere, factum sub lege. Neque audiēdi sunt, qui legēndum putant : Natum ex muliere, factum sub lege, sed, Factum ex muliere : quia concēptus ex ūtero virgināli, carnem non de nihilo, non aliunde, sed matērna traxit ex carne : alióquin nec vere fīlius hómīnis dicerētur, qui originem non habēret ex hómīne. Et nos igitur his contra Eutychem dictis, extollāmus vocem cum Ecclēsia cathólica, cujus hęc mulier typum gessit, extollāmus et mentem de médio turbārum, dicamúsque Salvatóri : Beātus venter qui te portāvit, et ūbera quæ suxisti. Vere enim beāta parens, quæ, sicut quidam ait, Enixa est puérpera Regem, Qui cœlum terrámque tenet per sæcula.

**℟.** Beātam me dicent

omnes generatiōnes :  
**\* Quia** fecit mihi Dóminus magna qui potens est, et sanctum nomen ejus.  
**℞.** Et misericórdia ejus a progēnie in progēnies timēntibus eum. — Quia.

**Glória Patri.** Quia.

**Bened.** Ad societātem.

**Lectio ix.**

**Q**UINIMO beāti qui audiunt verbum Dei, et custódiunt. Pulchre Salvátor attestatiōni mulieris annuit, non eam tantúmmodo quæ Verbum Dei corporāliter generāre meruerat, sed et omnes qui idem Verbum spiritaliter auditu fidei concipere, et boni óperis custódiā vel in suo, vel in proximórum corde párrere, et quasi álere studuerint, assevérans esse beātos : quia et eādem Dei Génitrix, et inde quidem beāta, quia Verbi incarnāndi ministra facta est temporālis ; sed inde multo beātiór, quia ejúsdem semper amāndi custos manēbat aeterna.

Te Deum laudāmus. 20.

**AD LAUDES.**

**et per Horas, Añæ.**

**1.** Dum esset Rex \* in accūbitu suo, nardus mea dedit odórem suavitātis.

**Ps.** Dóminus regnāvit cum reliquis. 21.

**2.** Læva ejus \* sub cápite meo, et dēxtera illius amplexābitur me.

**3.** Nigra sum, \* sed formósa, filia Jerúsalem : ideo dilēxit me Rex, et intróduxit me in cubiculum suum.

**4.** Jam hiems tránsiit, \* imber ábiit, et recéssit : surge amica mea, et veni.

**5.** Speciósā \* facta es et suāvis in deliciis tuis, sancta Dei Génitrix.

**Capitulum.** Eccli. xxiv. b

**A**B iníto, et ante sæcula creāta sum, et usque ad futúrum sæculum non désinam, et in habitatiōne sancta coram ipso ministrāvi.

**Hymnus.**

**O** Gloriósā Virginum, Sublímis inter sídera, Qui te creāvit, párvulum Lactēnte nutris ūbere.

**Quod** Heva tristis ábstulit,

Tu reddis almo gérmine : Intrent ut astra flébiles, Cœli reclúdis cárdines.

**Tu** Regis alti jánua, Et aula lucis fúlgida :

Vitam datam per Virgīnem Gentes redēptæ pláudite.

Jesu, tibi sit glória, Qui natus es de Virgīne, Cum Patre, et almo Spírītu, In sempiterna sæcula.

Amen.

**℞.** Diffúsa est grátia in lábiis tuis. **℟.** Propterea benedíxit te Deus in aeternum.

**Ad Bened. Añæ.** Beāta es \* María, quæ credidísti : perficiētur in te, quæ dicta sunt tibi a Dómino, alleluia.

**Oratio.**

**C**oncède nos fámulos tuos, quæsumus Dómine Deus, perpétua mentis et córporis sanitāte gaudere : et gloriósā beāte Mariæ semper Virgīnis intercessiōne, a præsentī liberári tristítia, et aeterna pérfrui lætítia. Per Dóminum nostrum.

**Ad Primam in ℞. br.**

**℞.** Qui natus es de María Virgīne. **etiam in Festis infra Octavas B. Mariæ Virginis.**

**AD TERTIAM.**

**Añæ.** Læva ejus.

**Capitulum.** Ab iníto. ut supra.

**℞. br.** Spécie tua, \* Et pulchritúdine tua. Spécie. **℞.** Intēnde, prospere pro-